

皇明經世文編

皇明經世文編卷之八十八

華亭

陳子龍臥子

宋徵璧尚木

選輯

徐孚遠闇公

吳培昌坦公

巢明盛端明忝閱

林貞肅公集

疏

林俊

傳奉勅諭查勘畿內田地疏

節該欽奉

勅諭順天等八府係是畿內根本重地

朝廷累有優恤禁例近年以來奸猾無籍之徒妄將

軍民田地指作空閑，設謀投獻，奏改皇莊，管莊官投人等，因而乘机侵奪，藉勢混賴，橫征巧取，百般刻害，以致軍民失業，朕深惻然，茲特命爾與山西道監察御史樊繼祖、戶部主事張希尹，公同查勘，先行撫按衙門，選委官員分投查審明白，爾等即便前去，會同各撫按官照依戶部先後題准事例，親詣各府地方，用心覆勘，凡正德元年以後各項莊田，但有朦朧投獻及額外侵占者，盡數查出，各依擬給主召佃管莊人員，盡數取回，仍差管屯僉事兼帶督理，該徵租稅。

照依原定則例折收銀錢原係皇莊者解部類進及
皇親功臣者解部關領不許自行收受亦不許佃戶
人等拖欠其莊田內有成化弘治年間姦徒投獻者
一體查勘各該府州縣衛所衙門官員人等文職自
知府以下武職自指揮以下但有事體相干者悉聽
督委調用公勤幹濟者從公旌舉敢有玩法廢事及
軍民勢豪人等不服拘管恃頑沮撓或姦猾刁徒乘
机混賴或貪官餽賄枉法欺弊者五品以上并勳戚
指名叅奏六品以下徑自拿問重治中間事情有該

載不盡，有益于國家，有利于軍民者，悉聽會同從長議處，輕則徑自施行，重則具奏定奪，爾受茲委任，須秉公持正，悉心查理，務使積弊盡革，官民兩無虧損，毋得徇情畏勢，徒具虛文，自貽咎責，爾其慎之，慎之。欽此。除欽遵外，先爲前事准兵科等衙門關劄，該戶部左侍郎秦金等題查得先爲開讀事，伏覩詔書內一款，京通二倉水次倉皇城各門京城九門各房倉塲各皇莊，但係正德年來額外增添內臣司禮監，照洪武初年例查奏取回，欽此。又該禮科給事中底蘊

奏爲應詔查處皇莊事。奉 聖旨該部看了來。欽此。該本部議擬題奉欽依。轉行各該撫按衙門。選委官員查勘去後。旣而兵部又稱差管皇莊內臣官校數多。移咨勘報等因。到部。臣等益加駭愕。竊惟京師者天下之本。而畿甸者又京師之輔也。畿甸之民安。則天下之民舉安。歷觀前代之主。無不以京師爲重者。我 太祖高皇帝以應天等處爲興王之地。特將夏稅不時全免。太宗文皇帝建都北平。恪守成憲。撫綏畿甸。安戢人民。列聖相承。益隆無替。夫何正德

元年來奸猾無籍之徒多將畿內逋逃民田投獻左右近倖之人奏爲皇莊况管莊內臣又憑城狐社鼠之勢而收租官校卽係設謀投獻之人出入往來肆行無禁千方百計巧取橫征小民無所措手有司莫敢誰何而皇親駙馬功臣人等莊田亦皆散布其間乘机侵奪借勢混賴往往有之幸賴陛下聖明入繼大統舉百弊而一掃之故有前項裁革管莊內臣之詔有以仰見陛下強本制末居重馭輕之盛心矣旬月之間乃復有此傳奉復許皇莊責令私人

管理不意 聖政維新之初。乃復有此厲民之漸。伏
望 陛下垂念畿輔根本重地。將近日傳奉皇莊官
店事理。收回成命。又看得查勘事宜。干係重大。必須
差科道部屬官員。假以事權。公同查勘。庶幾克濟等
因。題奉 聖旨。是先着撫按衙門。選委官員。上緊分
投查審明白。你每還去會同撫按官。親詣覆勘。務使
積弊盡革。官民兩無虧損。戶部知道。欽此。欽遵。等因。
到部。備行前來。臣等除遵奉 勅諭。親詣順天等府
州縣。會同前巡撫順天等府地方都察院右副都御

史李昆今接管右副都御史孟春并巡撫保定等府地方都察院右副都御史周季鳳前巡按直隸監察御史王琳宋鉞今接管監察御史郭楠選委官員分投親詣各該地方拘集地鄰并該里老人等嚴加查勘去後續據順天等府經歷司各將委官治中等官王槐等查勘過各該州縣原額莊田并投獻侵占額外軍民地土各項畝數目及取具業主召佃人戶退認供結領狀緣由造冊呈繳前來臣等覆勘相同除將成化等年奸民馮大經等投獻侵占地土隨就斷

給原主管業，有罪人犯，案行該府提問，依擬發落。未到者，照提歸結，及將查過緣由，備造文冊奏繳外，切照臣等猥以菲才，誤蒙委任，奉命以來，按行八府，閱歷三時，仰希 明恩，俯詢民瘼，凡係成化弘治及正德年間 皇莊，及皇親功臣莊田，但係奸民投獻，勢要侵占者，逐一盡數查出，給主召佃，還官歸民，一切遵照 勅旨施行。所據查勘遵順天等府地方各項莊田地土，共計二十萬九百一十九頃二十八畝，退斷侵占過民地，共計二萬二百二十九頃二十八畝。

數十年來勢家豪戶隱占之地一朝始得清明數千里內小民流離困踣之苦一旦少得甦息閭閻之下莫不歡欣鼓舞歌頌太平此實恭賴我皇上如天之仁好生之德思王業之本念小民之依維新之政莫有大于此者宗社萬年之期端在是矣而臣等何幸得以此籍手獻忠于陛下但臣等區區犬馬之忱尚有進于是者不敢不極爲陛下陳之惟陛下俯垂聽焉臣等伏聞農桑者天下之本土地者民食之源古者四民各有常職而農者十居八九故

衣食足而民無所困苦。故周官太宰以九職受萬民而首曰三農。大司徒頒職事于邦國都鄙以登萬民而一曰稼穡。自古帝王之治天下。蓋莫不以土地農人爲重也。三代之制不可復已。自秦人廢井田之後。田不在官而在民。是以貧富不均。穀祿不平。一時識治體者罔不興慨。歷代以還。英君賢佐。凡有志于仁民愛物者。莫不隨時漸爲之制。如限田之議。均田之法。口分世業之制。要皆良法美意。而一時人賴其慶。至今猶可稱述。洪惟我太祖高皇帝立國之初。檢

覈天下官民田土。徵收稅糧。具有定額。乃令山東河南地方額外荒地。任民儘力開墾。永不起科。至我宣宗皇帝。又令北直隸地方。比照 聖祖山東河南事例。民間新開荒田。不問多寡。永不起科。至正統六年。則令北直隸開墾荒田。從輕起科。實于 祖宗之法。略有背戾。至 景皇帝。尋亦追復洪武舊例。再不許額外丈量起科。至今所當遵行。所以然者。蓋隸北方地土平夷廣衍。中間大半瀉鹵瘠薄之地。葭葦沮洳之場。且地形率多窪下。一過數日之雨。卽成滄沒。

不必霖潦之久。輒有害稼之苦。祖宗列聖。蓋有見于此。所以有永不起科之例。不許額外丈量之禁。是以北方人民。雖有水潦災傷。猶得隨處耕墾。以幫助糧差。不致坐窘衣食。夫何近年以來。權倖親暱之臣。不知民間疾苦。不知祖宗制度。妄聽奸民投獻。輒自違例奏討。將畿甸州縣人民奉例開墾永業。指爲無糧地土。一槩占爲己有。由是公私莊田。踰鄉跨邑。小民恒產。歲朘月削。至于本等原額徵糧。養馬產鹽入站之地。一例混奪。權勢橫行。何所控訴。產業旣失。

糧稅猶存。徭役苦于竝克。糧草困于重出。飢寒愁苦。

日益無聊。展轉流亡。靡所底止。以致強梁者起而爲

畿內民情甚悉

賊盜。柔善者轉死于溝壑。其巧黠者則或投克世家

莊頭。家人名目資其勢。以轉爲良善之害。或匿入海

戶。陵戶。勇士。技尉等籍。脫差徭。以重困敦本之人。凡

所以感民命脉。竭民膏血者。百孔千瘡。不能枚舉。是

豈古今帝王治世之道。是豈祖宗列聖立國之

法。臣等查得各宮莊田。祖宗以來未之有也。惟天

順八年。以順義縣安樂里板橋村太監吉祥抄沒地

一處撥爲宮中莊田。其地原額一十頃一十三畝。初
吉祥占過軍民地二十四頃八十七畝。共三十五頃
立莊。今次查勘。又占過民地四十頃。見在共七十五
頃。此則宮闈莊田之始。而數十年間。侵占之數。過于
原額已十倍也。舉此一處。其他可知。至成化年間。惟
增寶坻縣王浦營莊田一處。原係會州衛草場。弘治
年間。止增豐潤新城雄縣莊田三處。至弘治十八年
十月。乃孝廟升遐之後。先帝踐祚之初。一月之
間。建立皇莊七處。曰大興縣十里鋪皇莊。曰大王

莊皇莊曰深溝兒皇莊曰高密店皇莊曰石婆營皇莊曰六里屯皇莊曰土城皇莊自此之後設立漸多而皇莊之名始著其在昌平州則有蘇家口皇莊在三河縣則有白塔皇莊在真定府寧晉縣則有鋪頭村皇莊大劉村皇莊在平陸縣則有大灰窰皇莊在新河縣則有僊汪莊皇莊在南宮縣則有南莊村皇莊此皆正德元年之新設也又東安縣則有南葛里皇莊寶坻縣則有李子法皇莊通州則有神樹皇莊武清縣則有灰蠟口皇莊王慶陀皇莊靜海縣則

有四當口皇莊、此皆正德二年之所設也。至正德四年則立大興縣三里河皇莊二處、正德五年則立六里屯皇莊一處、正德七年則立武清縣尹兒灣大直沽皇莊二處、正德八年則立昌平州樓子村皇莊、靜海縣衛河兩岍皇莊、青縣孫兒莊皇莊、保定府安州驕馬廟皇莊、清苑縣閻莊社皇莊、正德九年則又立安肅縣龍化社皇莊、數年之間、設立皇莊如此之夥、共計占地三萬七千五百九十五頃四十六畝、然皇莊既立、則有管理之太監、有秦帶之旗校、有跟隨

之名下每處動至三四十人。其初管莊人員出入及裝運租稅俱是自備車輛夫馬。不干有司。正德元年以來。惟奸用事。朝政大壞。于是有符驗之請。閱文之給。經過州縣。有廩餼之供。有車輶之取。有夫馬之索。其分外生事。巧取財物。又有言語不能盡者。及抵所轄莊田處所。則不免擅作威福。肆行武斷。其甚不靖者。則起蓋房屋。則駕搭橋梁。則擅立關隘。則出給票帖。則私刻關防。凡民間撐駕舟車。放牧牛馬。採捕魚蝦螺蚌芡蒲之利。靡不括取。而相鄰地土。則展轉

移築封堆今包庄之也包打界至見畝徵銀本土豪猾之民投爲

風如故也

莊頭撥置生事幫助爲虐多方打尅獲利不貲輸宮

闡者曾無十之一二而私入囊橐者蓋不啻什八九

矣是以小民脂膏吮削無餘由是人民逃竄而人口

消耗里分減併而糧差愈難卒致輦轂之下生理

寡遂閭閻之間貧苦刻骨道路嗟怨邑里蕭條向使

此弊不革將見數十年後人民離散土地日感盜賊

叢起姦雄藉口不知朝廷何以爲國此可爲太息流

涕者也茲者幸遇皇上天縱仁智入繼大統彘在

潛邸已知其弊卽位之初首下明詔將管莊人員
盡數革回乃者復采大臣之議委臣等以查勘前項
地土草萊之下始得披雲霧而覩青天脫水火而就
衽席矣但伏讀 敕旨猶有曰係皇莊者解部類進
臣等竊有疑焉然未經查勘之前臣等雖知其害而
不知其創設之由爲害之實不敢冒爲 陛下言之
今以臣等前所披瀝實出見聞之真 陛下固當惻
然于中亟圖所以處之矣而况 陛下聰明廣覽蓋
已先得于 龍潛之日又有不待臣等諄諄者乎臣

等竊謂普天之下莫非王土。有若曰百姓足君孰與不足。且天子藏富于民。今四海九州之貢賦。山林川澤之物產。凡所以納之司農。輸之內帑。何者而非所以奉 陛下一人者乎。孟子曰尊親之至莫大乎以天下養。又何者而非所以奉重闈慈闈四宮者乎。祖宗以來宮闈一切公用自有成規。况九重之內錦衣玉食。何欲不遂。顧可屈 萬乘之尊。下同匹夫以侵吠吠之業。辱宮壺之貴。雜于閭閻以爭升斗之利。其何以示天下訓後世也哉。且自古人君未嘗有

此漢宣帝嘗以池臺未御幸者假與貧民漢元帝嘗以公田及苑賑業貧民未聞占民地土以爲皇莊也且皇之一字加于帝后之上爲至尊莫大之稱今奸佞之徒假之以侵奪民田則名其莊曰皇莊假之以罔求市利則名其店曰皇店又其甚者假以阻壞鹽法則以所販之鹽名爲皇鹽卽此三者足以傳笑天下貽譏後世仰惟陛下躬堯舜之資舉文武之政何不一切掃除之乎若此三者名跡猶存實足以累陛下大有爲之政甚非臣等所望于

陛下者也。如蒙 聖慈俯察愚忠，深惟國本，乞 勅
該部查照臣等勘報文冊，將在京附郭大興縣地方
各官莊田，原不係占奪民田，不滿數十頃者，請一切
改爲各官親蠶廠、公桑園等項名額。勅令有司種
植桑柘，以備宮中蠶事。蓋古者天子親乘耒以耕，后
妃親桑以供郊廟之服。後世漢文帝、景帝皆詔皇后
親蠶，以供祭服爲天下先。乃者改元之春，臣等恭覩
陛下躬耕籍田，旣以身先天下矣。茲者恭遇 皇后
殿下配德之初，正位之始，所宜躬履勤儉，以率天下

而親蠶之禮。實爲我朝百年缺典。誠願 陛下大賜
建興克配 皇祖。特 勅禮部詳考禮經。月令祭統
祭義等篇。斟酌古今。具 皇后親蠶儀以進。待明年
季春之月。擇日舉行。播告天下。此誠 帝王之高致
后妃之盛節。閨門風化之首。而王業之根本也。將見
風聲感動。德教流行。男勸于耕。女勸于織。海內富庶
之效。不患不文帝若矣。而曠代之典。又不足以爲萬
世之美談也哉。其餘一應莊田。遠在各府州縣。動以
千百頃計者。臣願 陛下一切弛以利民。或勒疇丘

部勒入版籍令民照舊輸納以爲在官地土不必更
屬宮闈然後 陛下明降諄切之旨榜示中外盡削
皇莊及各宮莊田之名一洗 累朝之弊永垂百代
之庥萬一以爲宮中常年供用不能頓缺敢乞著爲
定例令戶部每歲進納上供銀兩若干分進各宮以
克支用却爲光明正大不傷大體何必虛受莊田之
名貽小民之害而示天下以自私自小也哉昔賈誼
勸漢文以興起禮樂而文帝謙讓未遑千載之下賢
者惜之臣等仰見 陛下聰明仁聖至性天成堯舜

之事蓋所優爲此事甚順而易特在陛下少留聖意轉移間耳若舍此不圖臣等以爲不惟不免賢者之惜殆恐不能不貽宗社將來無窮之憂伏願

陛下亟召輔弼大臣相與熟講而力行之臣等不勝大願至于皇親功臣欽賞莊田臣等復有一得之愚又不敢不重爲陛下言之查得洪武初年公侯駙馬伯祿米皆給官田令量原定官糧私租之數依主佃分數收取至洪武二十五年令公侯伯皆給祿米論功定數舊賜田還官竊謂洪武初年乃聖

祖甫定天下。干戈百戰之後。海內人民。喪亡略盡。上地有餘。彼時封爲公侯伯者。又皆一時翊運佐命元臣。比今之戚畹恩澤封拜者。萬萬不同。况以有餘之地。賜有功之臣。其在。聖祖宜乎析土壤以施恩。賚亦無不給。胡乃給祿之後。而原賜田土。急令還官。誠以土地乃農業所資。實爲國家之大本。而人君所賴以爲國者也。蓋古之有田祿者。各食其田之所出。以爲世祿。今旣官給之祿。奈何又與之田。是重出則過制矣。此聖祖之意也。然功臣之中。勳勞大者。至今

仍有莊田。不過數家。查得管業已定。侵占亦少。惟是近年以來。皇親侯伯。憑籍寵曠。奏討無厭。而朝廷眷顧優隆。賜予無節。其所賜地土。多是受人投獻。將民間產業。奪而有之。如慶陽伯受奸民李政等投獻。奏討慶都清苑清河三縣地五千四百餘頃。如長寧伯受奸民魏忠等投獻。進討景州東光等縣地一千九百餘頃。如指揮僉事沈傳吳讓受奸民馮仲名等投獻。進討滄州靜海縣地六千五百餘頃。以致被害之民。構訟經年。流離失所。甚傷國體。大失群心。

今臣等仰遵 勅旨既已退給明白。然非賴 聖明
在上。地方懼害。何有窮已。今雖亟加扶救。而傷殘已
多。伏望 陛下特勅該部除功臣家外。將 累朝皇
親侯伯受賜莊田。據臣等勘報文冊。通融數目多寡。
定爲中制。量給養贍。其過多者。一切裁損。以還之官。
要使恩澤適均。將來可繼。不然國家萬萬年無疆之
緒。皇親駙馬。日見增加。彼此援例。爭相希恩。必須
各完其願。雖盡割畿甸之田。有所不給。是豈可不爲
國家久遠慮哉。惟 陛下熟計。再照臣等查勘過各

項田土數目、竝是退給侵牟開豁荒鹹覈實之數、比與先年妄報投獻奏討原數不同。乞 勅該部查照一以新冊爲定、移出所給由帖執照以便徵收、再照祖宗累朝儘力開墾永不起科之例、歷年滋久、上下蔽于不知、是以奸民敢以投獻、勢家昧于奏討、又訪得山東河南等處奉例開墾之地亦多、近年以來亦有好猾之徒、往往投獻王府、及諸勢要之家、其勢與畿甸之弊大抵相合、伏候 勅旨將 皇莊及各皇親莊田大賜處分之後、一併出榜頒示該省地方、

仍行撫按衙門一體差官查明乞再通行天下今後
再有奸民故違舊例將民間田產投獻王府及諸勢
要之家占奪至百頃以上者處以極刑全家移出化
外則法重而人不敢犯恩溥而民得安生臣等區區
忠悃言已盡矣意已竭矣所冀 陛下丕承 祖宗
萬年鞏固之基聿開中興千載熙明之運念京師根
本之重知小民稼穡之艱勵精圖治約已裕民則太
平之治可坐致矣臣等冒昧進言無任殞越伏惟
陛下留神省覽斷而行之宗社幸甚生民幸甚

陳愚悃以附餘忠疏

庭杖

遺言 觀直 真不志也 欲之義

臣待盡海濱、尋中風疾、手足不仁、口眼失位、遂就醫藥、備後事、繼聞有西北之報、漕輓供億、恐煩 聖憂、臣受知四朝、叙復起廢者、屢屢竟無能久于其位、以宣有微勞、陛下新政之初、召臣衰以老矣、又無能久于其位、力乞休致、顧蒙 賜勅給役給廩、歲時存問、臣疏辭未允、強顏登受、臣今氣息奄奄、安望久居人世者哉、臣自按察使乞歸、已無起望、附虛壙、臣父墓之傍、備納蛻焉、前項致仕 恩典、及身後葬祭、通

乞停免以爲存歿之安。臣又倣古人遺直遺表之義。僭有獻焉。夫議禮如訟。見各不同。包而容之。德之大也。若粉墨大辯。恐未足以服其心。伏讀明詔。仰見天地之大。日月之明。于斯有悔焉。存恤叙復。日候而久。未聞也。昔成湯改過不吝。陛下麗德堯舜。于湯何有哉。伏望蚤降溫旨。以荅幽明。慰人望。臣又聞古者撻人于朝。與衆辱之而已。非必欲壞爛其體膚。而致之死也。亦非所以待士夫也。成化時。臣及見廷撻三五臣。容厚綿底衣。以重羶疊。屨猶牀褥數月。淤

血始消正德時。逆瑾用事。始啓去衣之端。重非國體所宜。釀有末年諫止南巡。撻死之慘。幸遇新詔收卹。士氣始回。不謂又偶有此。臣又見成化弘治間。詔獄諸旨。惟叛逆妖言。強盜奸生。打着問喇虎殺人。打着問其餘。常犯送錦衣衛鎮撫司問。鎮撫奏送法司議罪。中間情重始有來說之。旨。部寺覆奏始有降調之。旨。今一槩打問。無復低昂。恐舊典失查。非祖宗仁厚之意。卽此二事。似宜循舊。臣又見去歲以來。舊臣謝遣殆盡。朝著爲空。伏望聖明留

念既去者禮致未去者慰留與數三大臣時加延接
又有碩德重望如羅欽順王守仁呂禛魯鐸輩乞引
自近以裨 聖德圖 聖政臣舌梗意長授書難盡
無任懸結愛願之至

序

送范應禎按察福建序

屯政

古者兵出于農井田志而兵寓焉要之七家一兵七
征始一逼藏于田畝簡于暇日而調發于臨時故無
召募之勞無養兵之費均以便也漢南北軍唐府兵

亦倣于此我太祖遠稽近紹屯守之兵居然古意

內地則屯八人守二人邊地則屯七人守三人衛五
千人輸歲六石守人食月一石以歲輸充歲食二人
則歲贏一萬二千石也三七則歲贏三千石也廩官
之費民賦商征有餘辦矣夫何歲久弊滋今之兵額
率耗其半田則故存也于是有贏丁之補種細民之
租佃食之愈寡糧不贏以告乏何歟予嘗數發問而
執事者不能告也蓋正之方宜若可驗者問籍鮮存
畦畛數易故疆今鄙漫不省識考之甚難也吞隱者

寧死不自實。私市者物故。冒民版者歲以深。一家備
賴焉。以法復之。則私值罔償。公租無所豁。一家之生
事去矣。此一怨也。欲求其端。必開告訐之門。予嘗見
督屯之使。惟利得田。希已功。奸軍乘氣勢。奪民產。無
控愬。此一怨也。豪右私屯田連頃畝。無敢發其奸。官
治之。則搆煽謗譏。此一怨也。下官承上意。爲出入亡
可否。彼售其私。我質其責。此一怨也。則是亦怨。非亦
怨我者。若罔安于位。况望之濟哉。深水范君應禎。潔
瑩慎縝。有幹局。其在南京戶部有名。今年以員外郎

擢按察僉事璽書督屯吾閩是固所熟試而驗矣因
熟試晉新銜收有來効孰禦哉春官陳洪載述君論
屯之政曰吾惟無適莫其間耳職屯必利屯若職民
復利民耶世豈有是亦示之以狹矣吾奚有倚哉屯
是屯可也民是民可也屯是而詭之民則正而曲處
之是故誤而軒輊焉除其租以上下其直毋泛清也
必額以爲定毋遙度也必簿以爲憑毋偏任也必師
以爲聽毋疏核也必差以爲察毋謀決也必詳以須
之盡兵與民均也吾奚有倚哉吾仁存而義施焉額

幸而足。恥言功不足。寧任其咎。直之吾不知爲德。繩之吾又惡辭爲怨哉。予驚喜曰。名之下無虛士哉。是可惠吾閭矣。抑宣力之任也。國家永無兵食之憂。則有兵農故事。然豈易言哉。亦經世深念也。

皇明經世文編卷之

終

皇明經世編

林貞庸

卷之三

子

皇明經世文編卷之八十九

陳子龍臥子 宋徵璧上木

華亭

徐孚遠闇公 彭 睿燕又

選輯

吳祖培佩遠叅閱

屠康僖公集

疏

屠 勳

為應制陳言疏

刑政

茲者天道亢旱人民失業特降勅諭文武羣臣共加
修省且令條奏軍民利病時政得失以聞臣伏讀

聖諭有以知 皇上敬天恤民之心、修德勤政之實、直欲究循而行之、非徒姑應故事而已、臣備員法曹、謹以刑政一二有當舉革者、膚見條陳、伏惟 聖明採擇、

計開

一乞恩例以清刑獄、照得在京法司見監問囚犯、每遇天道暄熱、皇上憫念罹獄之苦、特降綸音、笞罪無干証者釋放、徒流以下減等發落、例該枷號者、具奏都免枷號、或罪情可矜疑者、多至宥宥充軍、恩至

渥也。然而南京係祖宗根本之地，彼處法司監問囚犯，常滿千數。臣嘗謬司審錄，頗知一二。每遇暄熱，或不蒙此恩例，再照天下司府州縣衛所監問囚犯，先年奏准五年一次，差官審錄，以爲常例。弘治四年例，該差官止于南北直隸，奏差刑部郎中二員，其餘浙江等處十三布政司，行令巡撫巡按等官審錄。緣各官巡治地方，事務繁冗，偏州僻縣，豈能一一遍歷。有司憚于申請，往往預先捶楚至死，以爲已便者，不能無之。以故矜疑重犯，奏請處置者，十常二三耳。陰

陽失和亦未必不由此。伏望 聖明一視同仁。凡遇
喧熱。兩京法司見監囚犯。俱乞恩例一體溥施。仍乞
勅刑部查照先年差官審錄事例。照舊選差明慎官
員。分投審錄。惟復將災傷去處。不必差官。行移巡撫
巡按等官審錄。其各官務要上體 聖心。下全民命
期無冤滯。徒流以下。就便減等發落。歿罪情可矜疑
并應合辯理者。一一具由星馳奏聞。區處如此。庶幾
刑獄以清。而 天意可回矣。

一 叅情法以公比附。蓋律之所載有限。人之所犯無

窮故罪無正律，則以上下刑而比附其罪。卽呂刑所謂上下比罪者也。近年以來，在外問刑衙門，多有不

究情實，比附過當，誠如

聖諭中所謂議擬比附，不

之本也。出入之失，全在擬議比附間耳。

合律條，姑以一二言之。且如姦義子妻，先年比依姦

總麻以上親之妻，止該杖一百，徒三年，以其終與親

子有間也。今則往往比依姦子之婦處斬，則與姦親

子妻無異。若姦義子妻可斬，則姦親子妻者，更將何

法以治之。此其不合律條之大者也。又如官吏給由

律稱若公私過名隱漏不報者，以所隱之罪坐之。止

坐其罪不該罷職役不敘以其無他規避故也。若有增減月日更易地方改換出身蔽匿過名者並杖一百罷職役不敘以其有所規避故也。今則有犯隱漏不報者亦或坐以蔽匿過名有誤犯增減年月者亦或比依增減月日俱罷職役不敘此其不合律條之小者也。殊不知情有故誤法有輕重苟不究其律章之全意而偶因一事彷彿一句而摘用之。而比擬之所謂毫釐之差千里之謬者矣。乞勅刑部通行兩京內外問刑衙門今後遇有人犯罪無正律應該比附

者務要斟酌情罪相當。必使罪合律條。方纔奏請定奪。至于比擬處罪之際。尤不可不慎。而摘引律文。亦要詳究律意所在。不可妄自摘擬比附。庶幾刑不枉濫。而和氣可召矣。

律之所以宜人。全以例也。例宜少不宜多。有必不

一慎立法。以革繁例。蓋律乃萬世之程。例乃一時之

得已者。以例附之。例多則弊生。而設律之本。夫矣。

變。以例附律。如運炭運灰。做工等項。此例之不可無者也。然情重法輕。則又不可無充軍枷號等例。以附律之不及。近年以來。言例者多有一事而二三其例者。輕重之間。各有一例。事體不一。人難遵守。故有枷

號而不克軍者有充軍而不枷號者有枷號而又充軍者有枷號無月日而充軍無地方者有行于京而不行于外者如三五成羣白晝搶奪人財物包攬錢糧坑陷納兵打攪倉場畧誘子女邊軍逃回不首假印批廻爲從私宰耕牛開場賭博僞造銀知情行用寄藏盜贓接買頭畜縱容賣姦開印子鋪等項各色其例至爲繁瑣中間亦有不諭其情之輕重犯之次數贓之多少而概施之者或枷號三箇月或發遣極邊衛分充軍甚非 聖明欽恤之意且人之所犯莫

重于死而枷號克軍次之。蓋隣于死者也。豈可不分別而差等之乎。乞勅刑部會同都察院備查見行事例除常例外其前項克軍枷號等例務須斟酌其首從之輕重所犯之數次得贓之多少議處停當何者當存存之何者當革革之何者未備增損之何者例該不分親屬何者例該親屬殊科必使情法相當允協于中明白開款具奏定奪通行問刑衙門遵守其餘繁瑣難行者並宜革去

一 遵律令以止深刻文武官吏除受贓枉法滿貫克

軍并不枉法求索等項爲民外如聽許財物律稱凡官吏聽許財物雖未接受事若枉者准枉法論事不枉者准不枉法論謂之准者但准其罪不在除名刺字之例今在外問刑衙門遇有此等人犯都擬以行止有虧發遣爲民是與已行接受者無異雖以禁食律果如是乎又如監臨官因公毆人致歿律該杖一百徒三年追埋瘞銀十兩初無罷職之條今則往往擬照酷刑事例爲民又軍職有犯亦照民職酷刑革職是皆不究律意而以苛刻爲能也又如武職犯該

枉法監守盜常人盜至斬絞罪名者例該立功等項
滿日帶俸差操至於不滿貫并求索等項滿貫至減
等杖一百徒三年者方纔革去管事帶俸差操其餘
俱各照舊管事其犯該姦所部妻女宿娼挾妓飲酒
例該爲民調衛帶俸差操外其犯指姦一切勿論係
先年尚書王槩擬奏事例經久可行今則受贓又有
不滿貫而帶俸差操之例犯該指姦而又有送兵部
收查發落者兩京間斷往往不一乞勅刑部通行兩
京內外問刑衙門今後遇有前項聽許因公毆人至

歿囚犯務要依律擬斷不許引用行止有虧酷刑等

項名色發落武職犯該前項罪名者俱照王槩奏行

法重情輕者當原共情而量減之若情重法輕者

事例其間果有情重法輕要行比照重例者臨時明

不必又以情增罪也

白擬奏定奪至於充軍降級等項具有見行條例中

間果有不常者亦聽法司查擬奏聞裁處

一平紙價以便囚犯照得兩法司日逐問理囚犯不

分官吏軍民人等除歿罪竊盜逃軍等項不納外其

餘不論罪之輕重與夫供明俱納紙一分以待各衙

門支用先年奏准事例定有常價官紙一分該銀三

錢五分、告紙一分、該銀一錢八分、民紙一分、該銀一錢五分、奈何有等射利之徒、通同店家、欺凌囚犯、百般強攬、承送吏典、巧立直櫃、看驗名色、多方索取、遂至官紙一分、使銀八九錢、告紙民紙一分、不下五六錢、官府止得常數、囚犯被其措勒、致使貧囚買納不前、或發該兵馬司監追、或送該管衙門拘辦、因而淹禁、致死者、亦或有之、事情雖小、爲害非細、乞勅法司、凡遇問過囚犯、追納紙劄、照依前項定價事例、收受囚人銀錢、在庫封貯、按季委官查盤、見數轉發順天

府行拘舖戶兩平收買紙劄送回各該衙門支用其
犯該供明者合無免其納紙如此則奸弊可除而囚
犯便益矣

一起老成以備委任。竊見致仕刑曹尚書何喬新學
識優長、刑名練達、廉慎有爲、可屬大事、致仕南京國
子監祭酒謝鐸、立心高古、問學淵深、氣節行義、可驅
風俗、乞勅吏部博詢衆論、如果二人才幹行實可取、
不宜在閑、即便召起、隨宜任用、必能裨益國家、

一廣恩澤。以濟災傷。竊見浙江山東河南三省所屬

地方直隸蘇松常鎮四府順天真定保定河間順德大名廣平等府水旱相仍人民飢饉疲憊已極科徭不已蕩析流離在在有之誠恐盜賊因而蜂起所關甚大宜行巡撫等官加意撫恤設法隄防伏望 聖慈憫念災傷特降勅各該巡撫等官務要念此人民流離顛沛之際作急用意撫安所有夏秋稅糧蓋鈔等件合行寬免分數內外衙門物料夫役一應不急之務合暫停止裏河馬快船隻禁索人夫各處歲辦進造物件奏行減罷所在軍士月糧宜以時關給倍

加存恤。操練軍馬。慎守城池。凡救荒賑濟。安民方略。宜亟便宜區處。以和人心。保地方爲務。蓋事貴見于未然。不可不有以撫恤而預防之也。

一禁奢靡。以厚風俗。蓋財者民之命。生齒日繁。則財用日耗。以日耗之財。而供日繁之衆。財安得不竭。財既竭矣。民必貧困。又何暇于治禮義而欲不爲奸盜

者。幾希。今兩京風俗豪富之家。往往競爲奢侈。服飾

儻則名食奢則過儻不能禁其奢儻當以法正其

器用。僭踰禮制。浮靡浪費。罔有紀極。凡遇婚娶等項

儻耳

必極觀美。修齋設醮。街連巷接。甚非美事。先年累有

禁例日久玩視恬不知懼然京師四方之本也京師如此四方可知故以蘇湖一帶地方言之巨室大族爭相効尤有嫁一女舉一喪而田產爲之蕩盡者推之其餘無不過侈風俗靡靡大爲可慮乞勅都察院申明舊例備榜禁約仍行南京都察院并各處巡按御史一體禁革兩京者聽巡視官按五城兵馬司緝該在外者聽巡按御史司府官員究治敢有服舍踰式器用違禁及婚喪等項不依制度越禮犯分務極奢侈者問發如律照例發落庶幾人知警懼財用可

節而風俗以厚矣、

一嚴啓閉以蓄水利。窺見沽頭上中下三閘、隸沛縣地方、最水勢易涸之處、名曰金溝淺、先年曾設主事管理、人頗稱便、既而革去、今往來豪勢之人、因無管攝、啓閉不時、商民船隻動候月餘、不得經行、阻塞河路、莫此爲甚、姦弊百端、不可枚舉、雖有管河郎中、又在別處住坐、禁令不聞、人無忌憚、况此地舊有公廨、不須修葺、乞勅工部、行移管河郎中、常時在彼住坐、遇有糧運盛行之時、往來閘河一帶、嚴立啓閉之法、

禁革姦弊、庶軍民兩便而河道通利矣、

一專委任。以督海塘。蓋海塘爲浙西之患、其來尚矣、
跡其所由、非惟委任之不得人、抑亦督理之無其法、
以故隨修隨壞、木石等料、每歲浩費數萬、皆民膏血、
而多被包攬之徒、預領官價、通同管理官員、百般侵
盜、爲害不可勝言、是修一海塘、而生二三海塘也、今
歲運石、明歲運石、人無休息、今年修理、明年修理、迄
無成功、安得有如尚書周忱者、而爲之經理乎、雖有
水利僉事、而地方廣濶、不能專理、乞勅工部從長計

議念地方工力艱苦、海濤洶害不測、轉行浙江布按
二司、分巡分守官員、共同查驗、見收木石等料若干
未收若干、計其修理、大槩應該存積若干、如其物料
已數、不必再行派擾、以甦民困、若是有名無實、務要
追究物料下落、以備在官之數、坐委廉幹官員、遇有
損壞、卽時修理、務爲經久之謀、勿事目前之計、備造
舊管、收除實在文冊存照、更替之日、執此查盤、以杜
侵盜之弊、年終造冊繳部、以憑稽考、勸懲如此、則官
肯効能、財不妄費、而地方永賴矣。

隆正祀典疏

郊祀籍田幸學

臣猥以凡庸叨司風紀茲當 皇上繼體收元之初
正旰天永命之日百度維新萬化攸始首卜郊祀籍
田幸學三者夫郊祀所以敬天尊 祖祀典之載于
經者自虞舜肆類上帝禋六宗望山川徧羣神爲受
命而告也虞書而下莫詳于周禮禮記思文之詩郊
祀后稷以配天我將之詩則宗祀文王以配上帝蓋
以萬物本乎天人生本乎祖此郊祀而配祖者大報
本反始之道也至于以時以樂以牲以器之類各有

其義降及秦漢唐宋。或郊或不郊。或合或不合。或祀
白帝。或祀黑帝。其祀不同。或三歲一郊。或過期不郊。
其制不一。甚者或以求仙而行。或以祈嗣而行。皆出
于道家者流。怪誕不經。瀆亂非禮。無復古人報本反
始之意矣。殊不知天卽帝也。帝卽天也。以其形體而
言。故謂之天。以其主宰而言。故謂之帝。其實非有二
也。安得有如異端所謂天皇太乙之號者哉。我 聖
祖龍興。定爲天地合祀之禮。列聖相承。以 太祖
太宗配享。一用古禮。參之周制。分命羣臣各獻二十

四壇其儀文制度至精至備三代而下祀典之正未有如我朝者究其所以宥密緝熙顧諟祇肅此則歷代敬天法祖之大略也籍田者所以重農厚俗攷之月令孟春之月天子乃以元日所穀于上帝乃擇元辰天子親載耒耜措之于叅係介之御間帥三公九卿諸侯大夫躬耕帝籍天子三推三公五推卿諸侯九推又曰王命布農事命田舍東郊皆修封疆蓋天子籍田千畝收其穀爲祭祀之粢盛而必躬爲之者以爲天下之農民帥先爾天子旣身爲之帥先又必

命田峻之官以督其耕其重農事如此舜命官曰食
哉惟時播百穀成王戒農官曰敬爾在公王釐爾成
其見于詩有若七月皆言農桑之候其見于書有若
無逸具言稼穡之艱厥後漢之文帝詔耕籍田以給
宗廟粢盛又親率羣臣農以勸之賜民田租之半景
帝親耕后親桑以奉宗廟粢盛祭服爲天下先自周
以迄唐宋莫不以此爲務然躬耕籍田者必祀先農
我朝 列聖躬祀先農親行籍田禮如古制具有成
法誠以民惟邦本本固邦寧民之所恃以生者食食

之所賴以足者農耳。幸學者所以崇儒重道。天生孔子實萬代帝王之師。文王世子。天子視學。大昕鼓徵。所以警衆也。衆至然後天子至。乃命有司行事。興秩節。祭先聖先師。蓋學校禮義之所在。聖賢道德之所宗。萬乘所以親臨之者。雖曰以聚賢歛才。而實以崇儒重道也。漢明帝初建三雍。親行其禮。備法物之駕。盛清道之儀。尊養老更饗射禮。唐高宗幸國子學。親臨釋奠。太宗召純儒耆德。以爲學官。數臨幸。觀釋奠。命祭酒博士講經。賜帛。增廣學舍。宋太祖太宗數幸。

國子監詔講易卦堯典說命哲宗詣文宣殿行釋奠禮命祭酒豐稷講尚書無逸之數君者雖非三代庠序學校之比而其所以敬仰休風循古良規者殆亦可取我 聖祖首建太學車駕親臨 列聖相承率循是道所以勉勵師生者諄切詳備語以聖人爲學之道期以帝王作人之功具載 御製五倫等書貽厥孫謀以燕翼子正在 陛下今日之舉耳之三事者其禮相因其事至重不攷古無以証于今不質問無以探其本伏望 皇上念茲三事之大不徒循故

事之美觀。必求行三事之實意。特勅館閣儒臣。經筵侍從。講求郊禘配享之禮。思文我將之詩。法三代以上所行之善。監秦漢以下所行之失。然儀文不備。無以合古。誠敬不足。無以格天。必真知上帝之享。享于克誠。黍稷之馨。不如明德。必仁必孝。善繼善述。則一陟一降。在帝左右。而感通之妙。上帝居歆。億萬年之丕基。兆于此矣。所以籍田者。必求古人分井經界之法。豳風七月之詩。周公無逸之篇。我列聖重農之訓。必崇節儉。以爲裕財之本。必薄稅歛。以爲足食之

原禁游惰。則爲之者衆。省力役。則不奪其時。正經界。不爲外戚之所占。均田里。不爲豪戶之所侵。貴五穀。賤金玉。務農桑。益種樹。如此而帥先天下。宣其德意。作其農功。勸相有方。貪暴不作。則仁心仁聞。天下被其澤。而勸農之政行矣。所以幸學者。必尊德樂道。以正天下之人心。親賢納諫。以厚天下之風俗。師嚴道尊。如學記之所存。敬怠吉凶。如丹書之所戒。如此而帥先學校。則人倫明。教化興。風俗丕變。人才彙興矣。切見先儒真德秀大學衍義一編。具載修齊治平之

道依經據史引物連類言天必有徵于人語事而不
遺于理善惡必錡綱目詳明誠君天下者之律令格
例也陛下於經筵講論書史之中常以此書進講
仍以別冊置之便殿以備清燕之覽則所以事天重
農崇學以隆聖治之禮舉不出于此矣

記

重修海塘記

海鹽海塘

東南惟海事爲重海鹽海塘之設所以禦潮汐之往
來捍波濤之嚙蝕斯塘一圯民爲墊溺所係甚大也

皇明經世編

屠康僖集

海鹽海塘

五

平露堂

海塘舊名太平塘，在縣東一里，今僅半里。洪武年間，潮汐汎圯故岸，朝家屢命臣工修築石塘，計二千三百七十丈餘。永樂三年，仍爲風潮圯毀，命通政等官按治，勦調蘇松等九府修築堅完。歲久復頽，宣德年間，巡撫侍郎周忱命工增培土石，其患稍息。正統九年秋，潮大作，圯甚，廼于裏岸重築新塘。景泰五年，因舊址廣狹，鳩工役夫，撤舊更新，外砌大石，內實瓦礫。其工爲省，建立真武龍王祠于塘上。成化八年，風潮大作，所築石塘悉皆傾圯，二祠亦不存。數年之功爲

之塌地相視修理仍用舊石壘砌粗完而已至成化

十三年風潮連作塘復傾圯時有提刑副使楊瑄

者修築照鄞縣荆公塘式築不在外之堅而在內填甃材豎砌內用碎石土瓦

使實內實可以耐衝

與實頗能殺勢歲久風潮塘之存者十無一三弘治

年間予為大理少卿不忍民之墊溺官之匪人事之

無法為費不貲出民膏血顧不逞之徒攬替誤事今

前疏中已見此語

年運石明年運石人無休息今日修塘明日修塘迄

無成功是修一海塘而二三海塘也上疏極言海塘

之弊孝宗皇帝可之特下工部議行修築募工督



理下施木椿上加巨石縱橫交疊內外收縮厚築土防。通計重築塘南自藍田塘北至丫叉塘以丈計者凡九百餘居民可賴矣。朝廷注意東南水利簡任河東韓君士賢通判吾郡專司水利而海塘其大患也韓君殫厥心力講求沿海利病詢察舊制得失上考數千年海塘衝突之所下究數百里海塘建置之形歷歷如指諸掌躬循周覽說者謂惟所修臥羊坡者爲得法即鄞縣荆公塘之制也閱三十年而始衝圯視諸作爲堅久。後有爲壘砌者舉不能及周悉處

置大率一如荆公塘之式，因海之勢，順地之宜，經始于正德八年癸酉，落成于九年甲戌，不閱朞而工訖，贊之者今海鹽令朱君寔昌也。爲費四千有奇，石六萬四千，椿木二萬六千，石匠一萬二千，夫三萬九百。視昔之費，十省八九。自教場塘迤邐而周，一百四十二丈，翁家塘土塘皆六百五十丈，丫叉塘二千三百餘丈，澉浦塘一千三百餘丈。他如龍王塘、談家塘，又數千丈，塘高二丈八尺，疊石一十八層，視昔之工，十加六七，無侈觀，無浪費，民不告勞，財歸實用，厥功旣成。

海爲安流矣。

重建陡門橋記

橋梁

嘉興郡當水陸之衝，一水奔駛而西，匯于崇德界者，曰西運河；去北折迤而東，以達吳江者，曰北運河。邑秀水所治也。聞隋大業間，開自京口，疏至餘杭，自樂天所謂平河七百里，沃野兩三州者，可徵。我朝因之以通漕運，厥利博哉。平陸沿堤北下，支分派別，或匯雪川，或過語溪，或入震澤，大則輿梁，小則徒杠，在在攸濟。去城西南若干許，有鎮曰陡門，士民環居，而翼

河臨右道，傍有一川北注，界絕通途。宋泰定間，作橋

其上，以通往來。歲久朽泐，行人苦之。宣城劉君景丞

無謂小

邑，曰：吾職在水利，可使此橋終于不治乎？歸告邑長

事孔明相蜀而橋梁道路靡不修治君子以為幾

周君懋文，周君乃布令曰：義本人情，願施者聽。於是

于先王之政

者，民義士相率樂從，各出私篋，榷材鳩工，悉復橋之。

舊而石堅，工良，規制益闢。經始于正德某年月日，而

某月日落，其成功不役民財，匪公帑而樂施者爭先。

恐後，猗然而橋成，行旅往來，居然不知。衆感躍稱頌。

因書其績，請予記之。

皇明經世文編卷之終